

元和郡縣補志

山南道 原卷第二十三

集州 符陽下

戶四千三百五十三 鄉十三

禹貢梁州之域春秋戰國竝屬巴國秦屬巴郡通本漢

宕渠縣晉惠帝永寧中李特王蜀其地屬焉梁武改爲

東巴州後改集州以東北有集水也十道志見御覽百六十八案後

周天和五年移州治於巴嶺南併置平桑郡隋開皇三

元和補志五

山南道

一

年罷郡大業二年州廢併其地入漢川清化二郡尋於

廢州城置公山鎮武德元年鎮廢復於難江置集州焉

天寶元年改爲符陽郡乾元元年復爲集州

州境 東西一百九十一里 南北一百九十六里

八到 西南至上都一千四百二十五里 西南至東都二千六百里

東至璧州符陽縣三百六十里 南至巴州二百里

西至利州三百里 北至梁州三百里

東南至璧州五百里 西南至巴州一百九十里

西北至利州界二百五十里 東北至洋州四百里



江甯嚴觀子進甫輯

一九四九年武強圖書館之圖書

貢賦 貢 蠟燭 藥子 小絹 蜜

管縣三

難江 大牟 嘉川

難江縣 上

案本漢巴郡宕渠縣後改漢昌周天和五年更名難江因水名武德九年析置平桑縣貞觀元年省二年復置六年又省併省長池縣入焉縣有小巴山宕渠水又西南有符特山

興元之南路入巴州中有孤雲山深谿峭巖捫蘿摸石

元和補志五 山南道

二

行者必三日始達其嶺王子韶所謂孤雲兩角去天一握也有石刻云漢相國蕭何追韓信至此 十道志案通鑑注孤雲山

在縣北九十里

大牟縣 下西南至州一百十里

案本漢葭萌縣地屬廣漢郡隋置清化縣武德元年分西界置大牟縣屬靜州貞觀十七年屬巴州永泰元年屬集州邑有大牟山

嘉川縣 下西至州一百五十里

案本葭萌縣地太元中分置興安縣屬晉壽郡宋改名

興樂後魏恭帝元年以嘉陵江水經邑而過改名嘉川
屬義城郡隋開皇三年罷郡縣屬利州貞觀二年隸靜
州州廢隸利州永泰元年來屬

壁州 始寧下

戶一萬三千三百六十八 鄉三十二

禹貢梁州之域古巴國地秦屬巴郡本漢宕渠縣地後
漢分置宣漢縣梁分宣漢置始寧後魏分始寧置諾水
縣十道志見御覽百六十八案隋開皇三年省入始寧武德八年分
始寧之東境於後魏諾水城再置諾水仍於縣治立壁

元和補志五

山南道

三

州天寶元年改為始寧郡乾元元年復為壁州

州境

東西二百六十里
南北三百八十里

八到

西南至上都一千八百二十二里
西南至東都二千九百四十二里
東至通州一百六十里
南至州內廣納縣六十里
西至州內符陽縣十里
北至州內符陽縣十里
東南至廣納縣六十里
西南至蓬州五百六十里
西北至集州五百里
東北至州內白石縣一百里

貢賦

貢 絲布 綿 馬策 麻布 綢 蠟

管縣五

通江 廣納 符陽 白石 東巴

通江縣上

案壁州五屬皆漢巴郡宕渠縣地是邑歷朝皆為州治
天寶元年以邑枕巴江更名通江邑有東巴山巴字水

廣納縣 中南至州五十里

武德三年析始寧歸仁二縣置

唐書

歌籟山在縣東七十里上有城極峻峻

通典

符陽縣 中北至州七十里

案縣本梁置後魏正始中又置其章郡隋開皇三年罷

元和補志五

山南道

四

郡縣屬集州大業二年屬巴州武德元年仍屬集州八
年改屬壁州貞觀八年復隸集州長安三年改屬壁州
景雲二年又隸集州永泰元年仍屬壁州邑有符水

白石縣 中東北至州一百里

案後魏廢帝於州西南十五里立白石縣因界內有白
石川也屬其章郡隋開皇三年縣屬集州大業三年州
廢改屬巴州武德元年又屬集州八年改屬壁州證聖
元年移於今治縣城南枕大溪北臨小澗

東巴縣 中東至州二百四十里

案開元二十三年州之耆老狀論太平曲水王福村界東南連通州爲浮遊所集州縣不便請置邑就以撫之由是敕置太平縣天寶元年以縣處巴江之東改名東巴

巴州 清化中

戶三萬二百一十

案禹貢梁州之域古巴國秦爲巴郡漢宕渠縣地後至李特孫壽時有羣獠十餘萬從南越入蜀漢閒散居山谷因斯流布遂爲所據歷代羈縻不置郡縣至宋乃於

元和補志五

山南道

五

巴嶺南置歸化郡齊梁因之後魏正始元年梁州刺史夏侯道遷以地內屬乃分漢昌縣治所置大谷郡帶防兵以鎮撫之延昌三年于郡北置巴州隋大業三年改爲清化郡武德元年仍爲巴州天寶元年復爲清化郡

乾元元年復爲巴州

州境

東西一百二十里
南北一百四十里

八到

西南至上都二千三百六十里
西南至東都二千五百八十二里

東至壁州一百五十里
南至蓬州二百一十里
西至閬州二百八十里
北至集州二百里

東南至通州四百五十里
西南至蓬州二百二十里
西北至利州三百三十九里
東北至集州一百九十里

貢賦

金 貴布 棉花 巴天戟 綢 石蜜
橙 油 白藥

管縣九

化城 盤道 清化 會口 歸仁 始寧

其章 恩陽 七盤

化城縣

案本漢宕渠縣地後漢為漢昌縣梁普通六年改名梁廣屬大谷郡後周大象二年改名化城隋唐因之邑有

元和補志五

山南道

六

靈壽溪巴江

盤道縣

中下東至清化四十里

案本漢宕渠縣地宋末于縣西南十里置北水郡後魏恭帝三年因界內龍腹山道路盤屈改名盤道隋開皇三年罷郡縣屬巴州唐因之

清化縣

上東北至州六十里

案本漢葭萌縣地梁普通六年于縣北二十里置伏強縣隋開皇七年改名清化唐因之邑有清水

會口縣

中東南至州四十里

案本漢宕渠縣地宋末于此置歸化郡以撫獠戶梁普通六年於郡治置曾口縣後魏因之隋開皇三年廢郡縣屬巴州邑有木蘭山縣治舊在戴公山神龍元年移于曾溪

歸仁縣 中東至曾口八十里

漢宕渠縣地梁置平州隋改為縣通典武德二年屬萬州

貞觀初改屬巴州劉昫唐書

始寧縣 中東南至其章十五里

梁置以山為名唐因之劉昫唐書

元和補志五 山南道

其章縣 中東至州三十里

案本漢葭萌縣地梁普通六年置哀戎郡又置其章縣隋開皇三年罷郡縣屬巴州唐因之邑有其章山龍城

恩陽縣 中西北至州四十一里

案本漢巴郡閬中縣地梁普通六年置義陽縣隋開皇十八年改名恩陽唐因之貞觀十七年廢萬歲通天元年復置縣有陽山清水

七盤縣 上西北至州一百二十里

案久視元年於七盤山東南置

蓬州 蓬山本咸安下

戶一萬五千五百七十六

古巴國地通典本漢宕渠縣地十道志見御覽百六十八案周武帝天

和四年割巴州之伏虞郡隆州之隆城郡置蓬州至武

德元年又割巴之安固隆之儀隴大寅渠之宕渠咸安

入焉天寶元年改為咸安郡至德二載改為蓬山郡乾

元元年復為蓬州

州境東西一百五十里

八到西南至上都二千二百一十里

元和補志五

八

東至通州四百四十里

南至渠州九十里

西至閬州三百里

北至巴州二百一十里

東南至開州六百八十里

西北至利州五百五十二里

西南至果州二百八十里

東北至壁州三百六十里

貢賦 貢 綿綢

管縣七

蓬池 良山 儀隴 伏虞 宕渠 蓬山

朗池

蓬池縣中

案本漢閬中縣地梁天監元年分置大寅縣因邑西山名屬蓬山郡隋大業三年郡廢屬巴州武德元年屬蓬州開元二十九年徙州治於此廣德元年又因邑有蓬水更名蓬池

樂龍山在縣南三里 原文

縣內有蓬山 通典

雞山在蓬果二州之界 通鑑注案通鑑大中五年蓬果

州刺史王贄宏討之即此

良山縣 中東至州七十二里

元和補志五 山南道

案本漢宕渠縣地東晉李勢時為獠所據邑有地名恆陵方數百里獠恃嶮固常懷不軌至梁大同元年始分宕渠之地置安固縣屬伏虞郡天和三年獠叛總管長史趙文表討平之恆陵有二路一平一險文表佯從平進忽險入乃克之即除為州刺史隋開皇三年罷郡縣屬蓬州天寶元年更名良山邑有大蓬山綏山

儀隴縣 中西北至州六十里

案本漢閬中縣地梁天監元年置崇城郡及儀隴縣今縣城在崇城山上憑險為理即梁郡城也武德三年以

縣置方州八年州廢縣屬蓬州開元二十六年移治平溪邑有儀隆山流江

伏虞縣

中東北至州六十里

案本漢宕渠縣地梁大同中於縣東三十里分置宣漢縣屬義安郡隋開皇三年廢郡縣屬蓬州十八年改爲伏虞縣大業三年屬巴州武德元年復屬蓬州縣治原在山頂開元時從民去險就平之請遂移治所於消水之側邑有宣漢水

伏虞山在縣東南六十五里甚險蠻獠被征卽避入此

元和補志五

山南道

十

中原

文

宕渠縣

中下東至州一百里

案梁太清元年置取漢舊名又置景陽郡隋初郡廢縣屬蓬州舊治長樂山長安三年移治羅穫水

蓬山縣

上東南至州九十里

案本漢宕渠縣地梁大同中置綏安縣屬景陽郡隋開皇三年罷郡縣屬蓬州十八年改名咸安至德二載更名蓬山

朗池縣

中南至州三十五里

案本漢宕渠縣地武德四年劍南道大使竇軌奏割相如縣地置朗池縣寶應元年租庸使徐演奏屬蓬州大厯五年遭賊焚燒自後權行置縣未立城壁貞元元年移於營山歇馬館為治所縣內有漢司馬相如琴臺通州通川上

戶四萬七百四十三

春秋戰國竝為巴子國秦為巴漢郡漢因之十道志見御覽百六十案晉屬巴西郡宋齊為巴渠郡梁於此置萬州及東關郡以州境至廣萬頃因以數名後魏乾明二年又以

元和補志五

山南道

十一

州居四達之路改為通州隋大業初改為通川郡武德元年復為通州三年置總管府貞觀五年廢府為下州長安二年昇為中州開元二十三年昇為上州天寶元年復曰通川郡乾元元年復為通州

州境

東西一千四百三十里南北六百二十里

八到

西南至上都二千三百里西南至東都二千八百七十五里

東至開州三百里南至萬州四百里西至渠州六百里北至洋州七百九十六里東南至開州三百里西南至渠州六百里

西北至巴州四百五十里
東北至金州一千一百里
貢賦 貢 梃子 膠香 綿 蠟 蜜 白藥子 麝香
楓香 綢

管縣九

通川 永穆 三岡 石鼓 東鄉 宣漢
新寧 巴渠 閬英

通川縣 上

案本漢宣漢縣地後魏為石城縣隋改名通川武德二年分置思來縣貞觀元年仍復省入

永穆縣 上西北至州七十五里

元和補志五

山南道

三

案本漢宕渠縣地梁大同中分置萬榮郡兼立永康縣隋開皇二年郡廢縣屬巴州十八年改曰永穆貞觀元年屬通州邑有七盤山龍襄山大江

三岡縣 中西南至州四十里

案梁大同二年於漢宣漢縣地置新安郡并立三岡縣後魏廢帝二年改郡為新寧隋開皇三年罷郡縣屬通州邑有三江水玉樓山龍盤山

石鼓縣 中東至州六十里

案本漢宣漢縣地梁分置石鼓縣後魏恭帝三年置遷

州後周改置臨清郡隋開皇三年郡廢縣屬通川郡唐屬通州邑有巴渠江

東鄉縣

中東北至州一百七十里

案本漢宣漢縣地梁於縣西界置新安縣西魏恭帝二年分新安於益遷下符兩水間更置石州又於州治置巴渠郡周天和四年州郡俱廢尋於故州城置三巴郡隋開皇三年罷郡縣屬通州武德三年改名東鄉并於此置南石州又置下蒲昌樂二縣八年州廢省昌樂入石鼓下蒲入東鄉焉又移縣治於東一里安養故城邑

元和補志五

山南道

三

有建平山

宣漢縣

中下北至州一百七十里

案本漢舊縣晉初省惠帝復置屬宕渠郡劉宋屬巴渠郡齊梁因之西魏置并州及永昌郡隋開皇三年郡廢五年州廢縣屬通州武德元年又置南并州及東關縣貞觀元年州縣俱省因徙宣漢治於新安城邑有鹽有金

新寧縣

中下東至州一百七十五里

案本漢宣漢縣地西魏置新寧縣屬東關郡隋初郡廢

併縣入三岡武德二年復分通川縣置治新寧故城貞觀八年移治淙城

巴渠縣 中南至州二百三十里

案本漢宣漢縣地劉宋置巴渠郡并置巴渠縣以境在巴川宕渠之間故也隋開皇初廢永泰元年復析石鼓縣之四鄉置縣地當蠻獠之邊界其民俗聚會則擊鼓踏木牙唱竹枝歌以為樂

閬英縣 中北至州一百二十里

案天寶九載太守韋虛受奏於應水南一里置縣以縣

元和補志五 山南道

十四

南五里山名

開州 盛山本萬世下

戶五千六百六十

本漢胸臆縣 十道志見御覽百六十七案胸臆虫名其地卑濕而生

此虫故名後漢分置漢豐縣屬固陵郡蜀先主改名巴東晉宋齊因之後魏改置開州周天和元年改同安郡四年移郡治於州西九十里濁水之北隋開皇三年罷郡武德元年仍為開州天寶元年改為盛山郡乾元元年復為開州

州境 東北一百八十八里
西南一百二十二里

八到 南至上都一千四百六十里
南至東都二千六百七十里

東至夔州四百六十五里
南至萬州二百四十二里

西至通州三百里
北至通州四百九十里

東南至萬州二百三十里
西南至萬州梁山縣一百五十三里

西北至通州石鼓縣一百二十八里
東北至夔州界二百八里

貢賦 貢 白紵 布 柑 芡 苜 實

管縣三

開江 新浦 萬歲

元和補志五

山南道

五

開江縣 上

案開州三屬皆漢巴郡胸臆縣地建安二十一年蜀先
主於縣南二里置漢豐縣屬巴東郡後周武帝改名永
寧隋開皇十八年改名盛山因邑山名貞觀元年省西
流縣入焉廣德元年更名開江縣有疊江

新浦縣 中下西南至州九十里

案宋永初中分漢豐西北七里置新浦縣屬巴東郡後
魏恭帝三年於縣置開江郡天和五年改郡名江會
建德五年郡廢縣屬同安郡隋開皇三年罷郡縣屬開

州唐因之

萬歲縣 中下東北至州四十里

案宋武帝分漢豐之地置巴渠縣屬巴東郡後周天和元年改名萬歲以縣北有萬歲谷也隋改名萬世武德元年縣屬開州貞觀二十三年仍名萬歲邑有石門山三朝溪

縣東南五里有靈洞貞元九年雷雨震開縣有鹽唐書

閬州 閬中上
戶二萬九千五百八十八

元和補志五

山南道

六

案禹貢梁州之域春秋巴國別都秦為巴郡後漢建安六年劉璋分置巴西郡蜀將張飛曾為此郡守至李雄之亂是郡荒蕪太守理無定處宋元嘉八年復於此立北巴西郡宋末除北字齊因之梁天監中以居蜀漢之半又當東道衝要因立北巴州及北巴郡西魏廢帝以此州古有隆城堅險因置隆州尋又立盤龍郡以州內有盤龍山也隋開皇初郡廢州存大業初改州為巴西郡武德元年改為隆州先天元年避玄宗諱改曰閬州天寶元年改為閬中郡乾元元年復改為閬州十道錄

云果閬二州貞觀中屬劍南道開元中屬山南道天寶中屬劍南道乾元中又屬山南道若據地勢言之嘉陵江既在劍門之外流歷果閬合三州而合涪江且三州同是漢巴郡之地合屬山南道

州境 東西二百四十九里 南北二百六十三里

八到 東北至上都一千九百一十五里 東北至東都二千七百六十里 東至蓬州三百里 南至果州三百里 西至劍州三百里 北至利州二百八十里 東南至果州三百六十里 西南至梓州三百一十五里

元和補志五

山南道

十七

貢賦

西北至劍州二百里 東北至巴州二百八十里 貢綾 綿 絹 綢 蓮

管縣九

閬中 晉安 南部 蒼溪 西水 奉國

新井 新政 岐坪

閬中縣 緊

案本秦舊縣華陽國志云周慎王五年秦惠文王遣張儀司馬錯伐蜀因取巴王以歸分其地為三十一縣此為閬中縣以閬水迂曲經其三面縣居其中也隋改名

閬內武德四年仍從舊名是年析置思恭縣七年省有

鹽有靈山天柱山又有仙穴山閬中山嘉陵水

彭道魚池在州西南原文見太平寰宇記

南池在縣東南八里初學記

閬中有渝水寶民多居水左右天性勁勇其人銳氣而

善舞郡國志見御覽五十九案顏師古漢書注云巴俞後使樂府習之

因名巴俞舞也

滕王亭在縣北玉臺山通鑑注案杜子美詩所謂君王臺榭枕巴山者是也

晉安縣中西至州七十里

元和補志五 山南道 六

案本漢閬中縣地梁置金匱縣又為金遷郡隋省郡改

縣名晉城武德中改名晉安

南部縣上東南至州七十里

案漢置充國縣屬巴郡後漢初平四年分置南充國縣

晉屬巴西郡劉宋改為南國縣屬北巴西郡蕭齊因之

梁天監二年改為南部縣西魏於縣置新安郡後周郡

廢隋屬隆州唐屬閬州有鹽

離堆山在縣東南案顏真卿磨崖記云此山斗入嘉陵江直上數百丈形勝縮臺上崢嶸而

下洞泐不與眾山相連屬是謂之離堆

接古專陂由黃土堰注白馬湖分入城隍及故永泰渠
溉田千餘頃又北百一十九里有津石陂聖厯初令崔
嗣業開東北八十里有崔陂又東北三十五里有槎陂
亦嗣業所開大厯五年韋夏卿增脩以溉田唐書
沅水出牂柯東北過縣至長沙入洞庭湖後漢書注

漢臨沅故城在武陵縣後漢書注

純紀陂今名白馬陂隋開皇中刺史喬難陀修其利不

減鄭白二渠通典

龍陽縣中上

元和補志五

山南道

九

吳時置沅水入龍陽界歷九州洲長二十餘里即李衡

種甘橘所通典

忠州南賓下

戶六千七百二十二

案禹貢梁州之域周為巴國地漢初平六年立臨江縣
屬永寧郡建安六年改郡名巴東歷晉宋皆因之梁大
同六年以郡城臨江改名臨江郡後魏廢帝二年改為
臨州隋開皇三年郡廢大業五年州廢併其地入巴東
郡義寧二年又于臨江縣立臨州并分置豐都縣武德

二年又分臨江置清水縣貞觀八年改臨州為忠州以地邊巴徼取懷忠信之意天寶元年改為南賓郡乾元

元年復為忠州

州境

東西一百六十里
南北三百八里

八到

東至上都二千二百二十二里
南至東都二千七百四十七里
西至涪州三百五十五里
北至渠州五百一十四里

東至萬州水路二百六十里
南至黔州六百五十五里

東南至萬州界四百五十六里
西南至黔州水路六百六十里
西北至渠州四百三十三里
東北至萬州三百九十里

元和補志五

山南道

辛

貢賦

貢 綿 黃連 天門冬 生金 蘇薰蓆 綢
巴戟 麥門冬 文刀 苦藥子

管縣五

臨江 豐都 南賓 墊江 桂溪

臨江縣

中下

案後漢初平二年置屬永寧郡縣內有彭溪屏風山鳴

玉溪大江

豐都縣

中下西至州九十二里

案本漢巴郡枳縣地後漢永元二年分置平都縣延熙十七年省入臨江隋義寧二年改名豐都唐因之

南賓縣

中下西南至州一百里

案後周置源陽縣尋改武寧屬南賓郡武德二年分西界為南賓縣產鐵

墊江縣

中下

案後魏紹泰三年置周天和二年改名魏安隋開皇十八年復舊名武德二年屬潏州八年改屬忠州邑有溶貴二溪

桂溪縣

中下西至州一百三十九里

案武德二年置清水縣屬臨州天寶元年以隴右有縣

元和補志五

山南道

三

同名改為桂溪邑有清溪

萬州

南浦下

戶五千一百七十九

案春秋時楚之西鄙夔子國亦熊摯受封之所也秦漢屬巴郡周分置安鄉郡尋改萬川郡兼立南州隋開皇三年郡廢大業三年州廢併其地入巴東郡武德三年以地曠源深須資郡府復置浦州貞觀八年改為萬州天寶元年改為南浦郡乾元元年復為萬州

州境

東西二百二十八里
南北四百五十里

八到

東至上都二千七百四十三里
東至東都二千三百三十里

東至夔州二百九十八里
西至渠州四百五十里

南至施州六百八十三里
北至開州二百三十二里

東南至施州清江縣二百九十七里
西南至忠州界九十六里

西北至通州四百一里
東北至辰州開州兩界一百七十里

貢賦

貢 麩金 白膠香 蠲紙 苦藥子

管縣三

南浦 武寧 梁山

南浦縣中

元和補志五

山南道

三

案本漢胸臆縣後魏廢帝元年分置魚泉縣以土地多
泉民賴魚罟也後周改名萬川隋開皇十八年改爲南

浦縣有塗濬監漁陽監鹽官二

武寧縣中下西南至州一百三十里

案本漢臨江縣屬巴郡後周武帝初分置源陽縣屬南
都郡建德四年改曰武寧取威武以寧斯地之意隋開
皇三年屬巴郡武德二年改屬萬州邑有金磧山巴子

城

梁山縣中下

案本漢胸臆縣地西魏置梁山縣隋屬信州唐屬萬州
邑有梁山東尾跨江西首劍閣東西數千里山嶺長峻
其峰崔嵬於蜀市望之若長雲垂天一日行之方極其
頂俯視眾山氓若平原故曰巖巖梁山積石峩峩也

金州 漢陰上

戶一萬四千九十一

禹貢梁州之域周楚之附庸後為楚地秦屬漢中郡

志見御覽兩漢因之魏為魏興郡晉宋因之梁改為南

梁州西魏改置東梁州後因其地產金改為金州

元和補志五 山南道

三

隋初因之大業三年改為西城郡武德元年復為金州
三年置總管府七年府廢天寶元年改為安康郡至德
二載改為漢陰郡乾元元年復為金州有府一曰洪義

州境 東西四百里
南北三百里

八到 南至上都九百九十一里
至中都一千九百五十六里

東至均州七百二十里
南至夔州九百五十四里

西至洋州五百里
北至京兆府五百六十六里

東南至房州五百四十七里
西南至通州一千一百里

西北至京兆府長安縣界五百九十里
東北至商州七百二十里

貢賦

貢

麩金杜仲

牙椒雷丸

乾漆白膠香

麝香鍾乳

紙

黃蘗枳實

管縣六

西城

洵陽

清陽

石泉

漢陰

平利

西城縣

上

案本漢縣屬漢中郡鳩墟在西北舜故居北周省縣隋初復置開皇十八年改名吉安大業三年改名金川後廢義寧二年復置改名西城縣南九里有峻山昔晉吉挹為梁州督符堅來攻築壘守之三年不下

元和補志五

山南道

西

邑有牛山漢水產金

唐書

又有治水吉水

西城故城內有虞舜祠

初學記

洵陽縣

中下東至州一百二十里

案縣漢置在洵水之陽屬漢中郡後漢省晉太康四年復置西魏置洵陽郡隋初郡廢武德元年縣屬洵州七年州廢縣歸金州邑有申口鎮城按通鑑寶應元年六月薛南陽追擒裴茂

于馬跡山

旬關漢中旬水上之關也今在縣內

顏師古前漢書注

邑南山下有漢高廟

初學記

涓陽縣

上東至州三十里

案本漢洵陽縣地後魏大統十七年于涓陽郡西三十里置黃土縣居漢水南後周保定二年改名長岡三年郡廢天寶元年改為涓陽縣

石泉縣

中下西南至州三百里

案本漢西城縣地梁天監中置安樂縣周改名石泉因邑有漢水故也聖祿元年改名武安神龍元年復名石泉大曆六年省入漢陰永貞元年復置

漢陰縣

中下西至州一百一十里

元和補志五

山南道

五

案本漢安陽縣屬漢中郡故城在縣西二十四里武帝改置安康郡隋改為縣至德二載改名漢陰西有方山關貞觀十二年置東十八里梁門山乃月川水之源產金又有鳳凰山漢江直水

平利縣

中下東南至州七十里

案本漢西城縣地晉于縣南平利川置上廉縣後周天利四年改名吉陽隋改安吉武德元年改名平利八年移治于古聲口戍南磬水之東黃羊水北邑有女媧山

元和郡縣補志